

5563.7
8216
v.2

玄谷集
二卷

雜著
句

BERKELEY
LIBRARY
UNIVERSITY OF CALIFORNIA

爲

來從何處去何處
無見無形只有影
亦望吹燒曹子舶
營何處敬項家無
驅雲轉漢天紅動
湯臨嶺山如抽須
捲我屋上茅盡去
月光穿漏也

Carpenter

玄谷詩集卷之二

七言絕句

次東岳韻印彥軸

瀛海仙山玉作峰。幾時携錫倚青空。
風塵久被微官縛。夢幻人間一醉翁。

立春日祝歲帖嚴堂

千歲瑤池碧玉桃。紫童擎出駕雲鰲。
金泥斜押天皇勅。拜賀新年壽曆高。

玉京仙子下蓬萊。詞裡朝元絳節回。
報道門闌添

喜色李郎新折桂花來

夜坐

剔盡殘燈影欲迷
滿庭風雪入寒栖
看詩永夜清
無寐坐到三更聞曉鷄

采菱曲

淡淡芳湖靜不流
綠楊枝繫木蘭舟
菱入爭唱采
菱曲郎在荷花清淺洲

春怨

畫屏羅幕鎖春殘
六幅羅裙瘦着寬
風動木蘭香

細細月明人倚曲欄干

南國春還人未還
玉樓簾箔掩輕寒
愁來試向巴陵望
無限滄波無限山

錦江有感

烟花三月錦江頭
曾共仙娘載酒遊
今日春光人不見
曲欄依舊水東流

柳汀覽古

百齊義慈嘗遊
於此在思津

聞說君王此地遊
三千歌舞宿汀洲
山川不盡繁華盡
渚草沙烟伴客愁

至日有懷

自從流落歲華催，玉琯初驚五夜灰。
遙憶禁城宮漏曙，侍臣環珮退朝迴。

曉發廣程夢親庭有懷

車踰嶺頭行路難，德平關外北風寒。
朝來一倍親庭戀，昨夜南陵夢采蘭。

宿南院聽灘

夜久南隣砧杵秋，月寒人語板橋頭。
灘聲不解離心苦，直到門前咽咽流。

韓仲安汝漫自南曹左遷綾城有一情人追

送于城南行色匆忙彼此無言目成而來仍

賦一絕屬余和之

玉頰雙啼破粉姿
藕花裙帶積痕滋
紗窓月落梅香暗
自是深情自不知

自從銷瘦減華姿
步出前墀草色滋
却記去年門外路
芳心被殺別人知

右二首
次韻

第五橋頭送客驂
芳魂黯黯淚空含
相逢未說相

離恨一抹征塵已陌南

嬌羞未解駐征驂脉脉無言意更含香信不來歸

鴈盡一年芳草又江南

右二首別韻

遊中興口號

三月晦與泰而及鄭世矩大方安弘量夢孚同遊三角自蕩春

臺歷僧伽步至中興寺皆稱措大不欲以塵官煩於人夜飲山暎樓醉劇大方語及余在翰苑事僧徒相顧而笑坐中乃拍掌軒渠曰信乎藏名之難遂令閣梨呼韻賦此

三月中興花滿衣石橋苔滑掩僧扉平生不解藏
名姓到處逢場大醉歸

與僧

五更燈火照禪扉塵世夢夢

平聲

萬劫微一聲清磬

千山淨坐笑浮生計盡非

卜溪復用前韻

薄暮山風吹薄衣白雲深鎖舊巖扉清川玉洞看
花罷帶月長歌緩步歸

德根即事

德根即公舅柳川韓公
後譙被謫時所寓村名

極目平蕪春思微山花飛盡葦魚肥朝來浦口忙
風急多少征帆帶雨歸

陪聘君泛舟觀魚未半風雨暴作

春雨微微春水平浦風吹盪小舟輕歡遊未半狂

瀾動浪說河流不世情李獻吉言事落職左遷渡汴河有河流不世情之句

與舍弟百亨及數人往蓮亭醉劇賦詩十許

首醒來忘却僅記若干篇時方旱巫祝祈雨于池邊故宋句記其實

水仙花發野塘中古木沉沉生夜風女巫不解迎

神曲自擊銅鑼祭海龍

日落芳潭釣侶稀綠烟輕漾白鷗飛歸來月滿前

塘路露浥荷香濕草衣

次韻寄題月先亭

藕花栽近小池西一夜輕寒翠蓋低十二曲攔晴

月滿露珠風動水禽啼

簡姜君懋

弘勳

為問陽川姜太守幾時邀我孔巖遊
春風三月花如海直棹扁舟下幸州

與茂叔上水鍾寺夜飲次呂子父

爾徵韻

山木蒼蒼夜氣寒星河影淡帶峰巒
浮生已辦歸栖計絲履羶巾意未闌

醉後次任茂叔贈別舅氏謫巨濟韻

是夜秋氣稍爽

月色如晝夜半風雨大作惘然有送遠去國之懷沽得村酒醉後迭相酬唱不復詮次

舅氏即洪公茂
績抗疏得罪

鴻毛為重泰山輕歷盡艱虞識世情人去海中秋
欲老驛亭風雨夢難成

微誠已達九重天不恨孤蹤海外遷想得累中無
別事辦香黃卷對先賢

悠悠世事枉摧肝湖嶺秋風道路寒莫道海南無
信使鴈回猶得報平安

附茂叔韻

海南千里一身輕欲別先知別後情除却讀書

無一事吾兄學業此時成

炎海茫茫水拍天故人蹤跡此中遷莫因困厄
忘為善終始勤修學聖賢

蠻鄉明月照心肝正是秋風水氣寒聞道海中
無絕嶺逐臣何處望長安

七夕和李浩然

師孟

高梧影轉露華團八夜西風枕簟寒
牛女有期天似海月明人倚曲闌干

秋夜竹亭有懷

亭在思津

殘荷零落委清波客裡流光易擲梭人斷竹亭涼
夜永草虫無語月明多

宴南叔家醉後走筆次壁韻

碧溪東畔主人家籬落蕭疎夕照斜秋風動地魚
梁淺落盡汀洲白荻花

十月十二夜大醉口號贈鄭兄行

北斗星移河漢空雪晴階竹響寒風人去曲闌涼
夜永鴈聲時過月明中

奉和東岳韻

卧病江湖歲月寒，形容潦倒羽毛殘。
匣中猶有龍泉劍，夜夜雲霄紫氣干。

附元韻

東岳李公安訥訪余于恩津尊酒論文直到夜半仍投余此詩求和

竹林無籟自生寒，白月當簷夜未殘。
南去北來門外路，幾人閑倚此闌干。

醉中贈韓而栗

瑤北遊

冲谷幽居接上心，春江烟雨政沉沉。
曾携一劍遊

關外，鐵峽山高址海深。

冲谷上心并刻名

寄嚴力翰敬甫

惺

春一作揚江烟雨政霏霏獨把漁竿坐釣磯遙想王
入麻浦外風霜猶著芰荷衣

四月十四日夜霽月初升忽有頑雲來蔽戲

成一絕

嬋妍初月上峰來纔喜中天霽色開忽有黑雲堆
赤電更無清影到深杯

少頃風起雲捲月色如舊疊韻以解之

醉中走筆

同竹西沈
公宗直賦

歟吸長風捲地來暝雲吹盡月華開清光不被氣

陰沔的皦還能照玉杯

冲谷會飲用茂叔韻

冲谷韓而栗所居

琴書山閣好留賓
半世行藏竹葉春
欲識詩成清絕處
滿江明月是傳神

大醉後口號

夜深燈火照窓明
歸夢迢迢隔漢城
急峽西風吹萬壑
中宵尊酒動離情

東分沙李子異

聖求

覆杯為水芥為舟
萬事悠悠只點頭
近入醉鄉寬

世界樂人能向此中遊

醉後東朴叅奉

守慶

山家酒熟雨冥冥，板戶柴門盡日扃。
桃李欲舒梅蕊老，主人隨意醉還醒。

偶吟

平生習氣未全衰，手自挑燈夜讀詩。
倦就糟床成一醉，陶然身世卧軒羲。

聞黃秋浦慎在謫中卒逝詩以哭之

花落深山欲暮春，長沙西望黯霑巾。
汀洲無限靈

均草更有何人賦白蘋

哭鰲城李相國恒福几筵于無任浦之別墅

仍次相國赴謫時韻

寂寞江村小運微渚蘋香動滿荷衣仙翁一去雲
霄隔笙鶴千秋望不歸

瓣香烟歇燭光微靈幄風開見故衣痛哭昔時函
丈地夕陽芳草獨來歸

附相國原韻

雲日蕭蕭晝晦微北風吹裂遠征衣遼東城郭

應依舊只恐令威去不歸

題梧葉寄任茂叔金子中時讓兩兄

手植雙梧待鳳凰
靈禽不至露華涼
即今飄落先蒲柳
滿葉題詩意更長

謝韓時保贈青藜杖

藜杖扶吾醉欲顛
相隨踈糲送殘年
還憐病起才偏盡
無復當時太乙仙

東陽申君奭

翊聖

舟過寄詩次其韻謝之

幽居深鎖水雲邊
聞道行帆過渚田
自是西風不

借便非關興盡即回船

附原韻

舟過江榭風帆駛利不得自由
遠負一觀悵然而歸錄呈一絕

翰林亭子此江邊老樹陰陰覆野田
寂寞柴扉人不見茲行還似剡溪船

重送李子陵

景嚴

寒聲浙漚不堪聽病葉殘花共一庭
歧路暮年仍遠別滿江風雨醉初醒

次金南窓

玄成

任疎菴韻題三角僧弘印軸

中興洞裡路欹斜雲樹深深鎖碧霞
洞名記得舊遊

春月滿亂峯開盡木蘭花

風塵眯眼醉昏昏屏跡丘園不出門
逢着山人成一宿清宵江閣坐無言

梅怯春寒節過未開

春回日日問春梅被殺春寒未半開
恰似嬌兒年二八蛾眉羞澁待人來

已而得雨梅萼始綻

春雨霏霏春思催玉樓消息入庭梅
清香不被輕寒頻一夜芳心太半開

金汝一

進士秀甫

家梅花開落太平而汝一既病

不能看余亦西行未暇往尋作一絕以寄興
清明烟雨動輕寒南國歸期春已闌
報道梅花零落半誰人解向月中看

德根村口號

秋月娟娟秋露團
草虫無語海亭寒
騷人醉倚東樓柱
一夜西風翠竹乾

天啓壬戌七月既望用前赤壁賦字七言絕

句十五首

壬戌蘇仙赤壁遊風流不盡更千秋長江明月盈
尊酒共泛蘭舟上斗牛

白露蒼蒼星斗橫桂舟徐泛泝空明清簫如怨尊
如海嫋嫋長風萬壑生

孟德方舟夏口東旌旗千里蔽江中山川不變風
流盡橫槩空懷蓋世雄

露洗長空江渚秋客來相與泛扁舟挾仙蘇子今
安在幽興飄然屬此遊

萬物茫茫於我何知音惟有叩舷歌中天月色橫

江露不盡秋風逝水波

江山長往有吾曹寄世何曾取一豪可是和風與
明月杯尊詩賦共遊遨

海山東望接天長抱月悲歌窈窕章有美一人懷
渺渺西風空自怨說光

浩浩滄波嫋嫋風洞簫聲盡月明中人生在世長
如客取適焉知清興終

是非哀樂正相繆麋鹿魚蝦與共遊酌盡一尊終
一笑茫茫天地也虛舟

一葦滄波縱所如，飄飄不盡可凌虛。
江山風月藏無盡，美酒清詩正屬余。

空江明月是知音，挂掉蘭舟興不禁。
安得蘇仙來共坐，賦詩相和洗幽襟。

臨江釀酒水如天，吹盡長簫更叩舷。
清興飄然成羽化，相將遺世挾飛仙。

吾生卒卒寄蜉蝣，在世何如在壑舟。
惟有清風與明月，一杯相屬得天遊。

用世縱橫我不如，江山無主樂樵漁。
秋風嫋嫋吹

單

單

哀聲獨立長歌興有餘

世化波流不可憑
盈虛消長有何曾
莫如酌盡乾尊酒
秋月孤舟共客登

次二從事畸翁鄭公

弘溟

新安館滯雨韻

梨花月黑雨冥冥
睡鴨香殘小醉醒
欲寫孤懷還悄悄
夜深空自倚風櫺

漁叢誰遣換朝衣
春盡開河尚未歸
夢向楊江尋舊隱
綠波初膩鰕魚肥

翩翩仙幕盡英髦
懶惰何曾記馬曹
獨有巴陵千

詩名言集卷二
十三
斛酒醉來還欲典宮袍

鴉鬟蟬鬢映星眸花月欺人處處留老子不成雲
雨夢尊前空有錦纏頭

次慧一禪師韻題龍門山竹杖菴

三月龍門尚早春杏花初綻巖芽新逢僧竹院成
閑話自笑生涯似路人

青江夜吟

山翁住在碧江涯樵嶺戔戔月易斜東舍騷人來
伴宿夜深風露滿漁家

次堅上人詩軸韻

問渠何事去還來世路風塵眼不開忽憶舊遊春

月滿橫吹鐵笛下瑤臺

醉後有僧自天柱來乞詩

前年奉使上西臺溟海茫茫入眼來歸卧洛陽塵
事關小窓殘燭對寒梅

一別仙翁八九年羽衣應在白雲巔風塵擾擾催

人老永日空堂只醉眠

卷中有疎菴韻

玄谷詩集卷之二

玄谷文集卷之二

雜著

辭應教疏

伏以臣有痼病不善俯仰頃忝近列厚招物議曾未多時復叨匪據墮越之懷不翅淵谷臣與瀛海君臣金起宗少小同里閑素知其為人執義臣尸知敬曾因失實之聞屢有非情之誚搢紳清流多知其枉至於顛末臣尤詳焉臣嘗一見知敬略陳其不然及知敬再入於三年之後復持前論臣實

因儕友間聞之竊相私語冀或抹止同歸大中而
已臣與知敬俱在從班此不過官師相規因事直
之之義也有何嗔罵之事有何廢制之狀有何醜
詆之言有何朋比可以結托有何氣勢可以張皇
論人至此噫已甚矣此實臣之平生言行不見信
於人而然犯而不校無則加勉他山之石可以攻
玉人之為言不欲多辨而第臣所冒亦非常調論
心邇地儼僚重任決難強顏隨行重貽清朝之累
伏願 天地父母亟賜鑄改以安愚分臣無任激

切屏營之至謹昧死以聞

儷文程選序

夫四六豈非文之弊也哉然自徐庾以還亦莫之
或廢也蓋雕虫篆刻非壯夫之所爲抽黃媿白非
爾雅之所尚而世有污隆文有升降文之不得不
變亦猶世之不能挽而回之也況今君臣上下之
間交聘大小之際辭命言語必托於是以至搢紳
慶吊之禮科場黻率之文聲韻模範各有定式則
此固館閣韋布之不可闕焉不習者也顧其書傳

於世者多矣其所謂儷語類編四六全書為最然
裒緝既廣考閱頗艱且不無彼此偏重之譏吾友
澤風李君汝固左袒斯文思惠後學乃就二選中
擇其尤精粹合度者數百篇俾鋟之梓用侈厥傳
觀海李君子時實同商確而不佞亦與聞其一二
焉若其所以搜剔取舍者則於凡例詳之矣噫余
於是編之成不能無感焉昔我亡友疎庵任君茂
叔以卓逸之才操風雅之權力去陳言遠追絕響
直欲軼盧王而薄齊梁揚劉以下蓋不論也不幸

今也死矣使茂叔而不可死者觀於是編果不無長
短耶然則澤風之為別集者意在斯歟不然何以
曰程選而必別集為也崇禎四年十月上浣晉陽

鄭

百昌德餘敘

白露辭四章

朱明謝節素威戒期苦霧積而晨淒悲飈烈而夕
愴澄湖既落石出渚而波清茂麓初空葉辭條而
林瘦咽碧幃之啼蜩簷雨侵愁斷紫塞之鳴鴻庭
月流悵烟寒蕙浦怨騷客之幽蘭雲冷松巖恨王

孫之叢桂嗚呼白日西駛滄海東馳四運轉而相
催百憂紛其交集彈長鋏一夜半祗自攬懷寄芳
草於天涯誰是同抱唐虞已矣望義人兮長遠禹
文忽焉歎佳期之遠隔賦四時而遐想句步張衡
歌九辯而悲吟情深宋玉茲假有象以鳴不平章
雖勞於七襄意竊邃於千古辭曰

白露兮雰雰秋風起兮吹我裙嚴霜又凋兮蘋蘋
芳草折兮不韞歲已周兮心煩冤我所思兮在太
原萬里贈我兮璵璠何以報兮雲錦紋欲往從之

兮道路分中有恒山碣石兮嶙峋愛而不見兮涕
泣云引領北望兮使我消魂

白露兮離離秋風戾兮吹我衣一作惟嚴霜又被兮

江籬芳草萋兮不辭歲已凋兮心煩悲我所思兮
在九疑萬里寄我兮璫璫何以酬兮明月璫欲往
從之兮道路遠中有蒼梧洞庭兮逶迤愛而不見
兮涕流瀉引領南望兮使我勞思

白露兮溽溽秋風冽兮吹我冠嚴霜又下兮蕙蘭
芳草殄兮不辭歲已暮兮心煩酸我所思兮在稽

山萬里遺我兮琅玕何以償兮黃金盤欲往從之
兮道路難中有三湘七澤兮波瀾愛而不見兮涕
潺湲引領東望兮使我摧肝

白露兮瀼瀼秋風凜兮吹我裳嚴霜又悴兮松篁
芳草萎兮不香歲已寒兮心煩傷我所懷兮在岐
陽萬里惠我兮琳璫何以還兮青玉璋欲往從之
兮道路長中有咸關隴坂兮嗒嗒愛而不見兮涕
淋浪引領西望兮使我斷腸

秀才韓公墓表

領敦寧府事西平府院君柳川韓公有二子其季
曰昭一字克明柳川公道德文章為世所宗克明
以名家子能砥飭淬礪巍然自立有聲僭流間一
時賢豪樂與之遊皆曰能業柳川公者必克明也
戊申秋柳川公丁外艱克明從喪自箕城返故山
行四五百里哭泣悲哀至驪州村舍暴病一夕逝
去其生辛卯得年僅十有八妣檜山府夫人黃氏
克明娶領議政柳公永慶之女生一女後克明八
年亦夭嗚呼克明今無後矣今年七月柳川公捐

館舍既克，葬克明之兄南陽公。豎石於克明之墓，曰：「知克明莫如子子，其表之。」乙巳冬，余入韓門，為贅與克明同寢。食起居相得甚驩。克明美容儀，眉目如畫，能飲酒，終日不亂讀書。通大義，善為詩，出語輒驚人。天資溫厚，口無擇言，將表也。樂全申公，亟言於余曰：「公之文，余當書之，使克明之名傳於後，是為表。」

上庠柳公誌文

吾友景行與五同，丙午司馬。己酉春，釋奠先師齋。

宿遘疾卒距其生乙酉得年二十五從葬楊州之
松山後十歲戊午靜觀公致余泣而言曰自吾兒
棄我而逝墓木拱矣吾病衰朝夕且入地幸而有
遺腹孤稚昧不及聞乃父行子舊與吾兒遊請所
以誌其壙者嗚呼吾尚恐銘景行也耶父而徵子
銘是天道也耶吾與景行遊蓋世矣景行為人淳
柔敦謹在家帥子弟之職出而與人交閔閔去藩
飾其言如不出口者至論是非得失即疑然可觀
早受家庭訓讀聖賢書已能識趨向為文字主暢

順不以瑰麗僻澁為功一時輩行多才雋至推遠
到器必先景行一日遊於津是時士習澆甚立黨
與相傾軋景行謂余曰是固不可以已耶噫俗之
漓久矣復安得持心平易如景行者如使少延其
年淬濯龔磨其所成就何可量也景行諱程姓柳
氏其望在全州有諱軒司諫院大司諫以言事得
罪燕山朝諱世龜宗親府典籤俱贈夏曹判書諱
堪有大名以天官郎當丁未之亂忤元兇尹元衡
竄北荒十有七年還官議政府舍人以卒追爵吏

曹叅判是生諱永起即所謂靜觀公也屢守郡輒
最不樂於時遂不仕妣宜寧南氏副尉某之女記
事官某之孫粵自高曾祖三世積德毓慶覆燾于
後以至靜觀公嚴訓篤行孝友忠厚之風聞於人
景行又慎勤能業家人皆謂景行終必太其門景
行生五年而失所恃復二十年而先靜觀公以歿
卒不得斗斛之祿以養以遺其子孫是果天道也
耶為善者何勸焉景行尚有知其無窮戚矣景行
娶咸平之李生一男名錫昌景行卒百日乃生或

者天之報施之道其在斯耶女一人嫁士人徐祥
履是為銘銘曰嗚呼景行室惟永寧百昌之銘

祭文庵先生韓公文

山河斂魄壑壁沉彩哲人其萎梁木永壞天其或
者理也冥昧何奪公速而使道晦粵惟遼初羲畫
八卦維堯舜禹及周冢宰傳孔暨孟日月斯揭中
間卿雄乃疵而贅浩浩洙泗濂洛之繼自闢而闡
文不茲在瞻我箕區鄒魯為界渤澥其間洞一衣
帶有若文忠倡始麗季聖代受圖休運闡啓源流

金鄭滌瑕蕩穢光于靜庵晦退以配猗歟先生朔
而求依粹質之美至斧修桂澄於霽月和以春霽
望之凝然即焉灑灑風肆于凜力追前輩雪榻風
燈明窓淨几食淡攻苦上下千載蠹帙出經遺篇
斷製乾坤坎離變化之體夏質殷忠工記戴禮大
學輿旨春秋凡例以至射御書數之藝若指諸掌
神融意解汪洋潭涵其大無際發為文章珠潤繡
繪存以主一行之匪懈如有用我蒼生之惠世之
云降路歧而隘懸瓜不食韞玉誰待薄遊中年栖

栖銅珮訟庭花深鈴閣晝霽鳴琴于堂民則耕耒
象笏銀魚命服之麗翠螭雲鰲伏龜以戴心懷介
石誠切負米奉大夫板輿而詣凍笋抽芽水魚
供鱠專城之養餘二十歲風樹不停顏日難繫事
盡榮哀禮備喪祭毛義為親龐參遺世遊方無戀
塵目易昧爰卜幽居揚江之裔阡原臚臚存我晚
計村名勿移久庵其第梅植于庭對松種砌幅巾
深衣籍以蘭茝優遊逍遙望望若流詩人有詠譚
譚棠棣鵲鴒子飛載集沙滢白眉最良李方難集

加額兩朝安危之係時利鈍物或否泰相彼深
淺以揭以厲寵辱皆恩田里非廢數畝之宮可以
攸懋統駕同歸共被聯袂和樂且湛君子愷悌一
室方丈左右書契討論讐校馳騁開閉倦而乘興
水際山底顧瞻落日長歌永慨挹瓢相屬緩舞拽
拽情忘物我跡脫纖芥篋裡軒虞眼中寰海嘗聞
之古此道無悔謂壽且耆食報于帝云胡一疾溘
然長逝彼主張者不肯少貸廼若凶囂積禍畜勢
朱輪而馳受福不急獨於善人斬伐如刈已矣勸

夫儒林失砥人將焉仰岳頽其岱舉世長夜伊誰
之賴麟獲于狩宣尼掩涕典刑文物一朝潛翳笑
我小子賦性偏蔽自及于門去其聾瞶戒曰毋爾
爾氣泰銳爾薄有才毋矜蒼葦舍弘光大毋乘語
快惟柔與和寔爾砥礪拳拳義訓服膺勿替奉以
周旋銘諸肝肺越在孟夏省親湖外渴日炎程未
及辭拜寄我以書慎爾行邁世亂如毛勸爾自愛
自我趨庭節序云改方期好音倏爾棄背凶計疏
傳割我五內茫茫宇宙知音不再匣琴絃斷流水

誰會驥無伯樂鹽車之蹶幽明一痛氣填聲饒鬱
鬱原鄉丘陵磊磊吉日辰良引以丹旆孔巖之步
其舟維檜靈輅既載不軒不軋寒波送雨斜日流
暄淒風發發零露泥泥哀哀孝子血淚苦塊季也
攀呼心焉如碎素服朋從白馬賓介延年唱薤安
仁作誄義則師弟親是姻壻茲陳菲具潔羞清醴
形容有道測海傾蠡深哀未舒韻感詞脆月墜于
西昏而復掛滔滔江漢曷云攸濟人間何處逝日
迢遞神其格思歆此薄酌

祭權警吾文

萬曆乙卯閏八月己未永嘉正字權公靈輻既駕
卜辰之良永棄塵垢而遊帝鄉其友人玄谷鄭百
昌恫幽明之潛翳撫宇宙而增傷引紼酌酒侑之
以章曰嗟哉警吾三十四而亡以公之才之行廼
夫而不揚竊嘗聞之于古善惡隨而祥殃何主張
者之昧昧闇闇而使此理而不彰惟彼歛禍蓄勢
兇狡而頑戾朱輪繡轂出入昂昂優其所可薄而
恒不足於賢吾誰咎咎彼蒼癸丑之冬雪虐寒狂

哭紫微于荒郊餘淚斑斑在我衣裳曾未二暮而
有茲喪或者吾道非耶掩泣吞聲只摧余之肝腸
呱呱七孤兩老在堂人誰無死子死則忙疇昔終
南之下分沙名逋爰及季方余唱子和子捉余觴
有時緩舞而浩歌謂此樂之難忘豈意遺我而先
逝與元化而翱翔衆萬之生有生必有死如晝夜
之常及其同歸於盡大椿冥靈或小於毫芒然則
莫壽乎顏冉而彭聃為殤茫茫萬古孰短孰長千
秋永訣真罽于床嗚呼哀哉尚饗

祭權不羈文

維萬曆四十三年乙卯歲十月甲辰朔十一日甲

寅友人玄谷鄭

百昌

遭譴屏伏不敢躬執奠醑謹

遣酒若羞祭于亡友禮曹佐郎永嘉權公之靈且
以文一通告于柩前而焚之曰我生在于其于維
戊君以己降歲舍于丑中間冬春月日先後齒之
既齊席以世厚兩門之歡戚若婚媾顧我蹇拙非
君之耦不鄙而嗔見知自幼君年十五延覲魯叟
嗣余遊泮言執籩豆玉來規學橫經教胄君時擅

傷挾輒以走弱齡榮名一日萬口人所難者子優
而有跛牛蹙躡隨驥之后槐院清深余左子右並
直銀臺出入卯酉值彼史閣羣龍所驟子僻於爰
替余以守余實狂狷子則溫茂無挾而特寔余之
陋有不入如嚙如禽獸帖耳之徒吐血而詬子因
于讒而我羅咎世故糾纏白衣蒼狗辟之蠅矢於
壁何垢所貴乎道弗愧屋漏執此以勉內省不疚
氣味之融若杵投臼出處進退如相授受形骸分
異肝膽通透雞鳳同枝蓬麻共畝仁孝之家神明

攸佑赫赫大人虎符龜鈕季父蜚英雜珮瓊玖爰
及兄弟接翼文囿有義庭訓禮義悌友凡士大夫
莫與齊筵宜天明徵引厥酌饒胡然中否苗而不
秀瘞之冬仲紫薇霍邁余滯湖外哭未及柩墓門
初封君又失偶篋窆嬰兒吊以短句鬼不悔禍吉
人為寇千里疑信元方之計顛倒而來執予之手
血泣相視慙子枯皴余曰毋爾子有父母天倫至
憾遂嬰沉痾我送師喪至于江隄聞子病革躍馬
以候日車西傾鵲鷗叫數夜鼓二槌復于中留孰

謂子賢而竟不救臨歿之言一何縷縷資猶六級
美止三九永痛人間兩老皓首呱呱子女乳喪
穀事有至哀稠疊重復行路聞之亦應沾袖況我
親素痛割如剖子之文章駿蹄出廐獨騁長衢子
策我蒨子播正聲黃鍾大簇雷鳴而啞我乃宅在
迷唱交酬百篇斯富今其已矣疇能余叩伊昔終
南夜雨剪韭彈鋏悲歌逸調並奏萬古朝暮五岳
培塿千駟不義視若糞壤一言之合即牝求牡藏
之中心期以黃耆琅琅在耳其人已舊自子蓋棺

月弛而穀將卜辰良載以廣柳余不謀身凌晨孤
雛蟄跡于野名類位仆引不執紼莫不酌酒不送
于郊葬不臨竇覲負幽明淚眼矇眊情動於內燠
若柴槩有生必死如夜而晝及其隨化彭殤同朽
惟有令德可以永久寧顏而夫誰貴跼壽漠漠山
河茫茫宇宙九原之下猶恍知否我遣菲具辭以
為侑魂無南北歆此清酎

祭李淵淵文

維萬曆四十三年乙卯歲十月甲辰朔二十八日

辛未宗簿寺正完山李公靈車既飭將歸真居其

辱知玄谷鄭

百昌

黜位于朝不敢躬執奠禮謹遣

酒若羞祭之靈而告之文曰乙巳之冬余贅於韓

公是余姪宰土東關置驛將書惠好門闥翌年夏
首廼及公歡余實剛偏公坦而寬公不鄙夷遂出
肺肝忘年與形握手而譙濶視高步雜珮芝蘭謂
言人世行路無難但當快樂何有憂患夫馬亡羊
變故多端乖離會合十餘年間螻蟻制之龍泥于
蟠公為邑吏公為馬官戊己庚辛公自西還余時

竊寵視草金鑾公兼編修秉筆而刪曾未席煖余
乃就閒公又无妄係于牢豳事有難言巧舌旁觀
君子之道可行夷蠻執此相勉以保歲寒公年方
盛髮毛未斑公稟甚富氣充以完仁者必壽受福
宜曼胡不半百而棄塵寰公少登朝青雲羽翰人
皆期之其轂朱丹位不滿能枳棘鷁鷁歲逼龍蛇
賢人之艱不見清時齋志蓋棺生奇死歸或順而
安公何太遽命之斯慳有老七十血泣纍纍琴書
無托蛉羸尚孱至哀由中行路舍酸公則不知堅

卬如頑伊昔從遊意氣誰干聃周共駕崑崙同壇
深斟淺酌長歌短彈當其懽甚醉舞蹒跚北岳破
碎東海潺湲俗物冥昧白眼以看如不人如即唾
其顏乾坤逆旅日月跼九黃梁未熟夢罷邯鄲自
公屬續急景已殘選日之良載柳啓扉余苦人口
擠于朝班斂跡以藏用避潛彎爵舉不真勒出不
攀不臨其穴送不及山永念平生淚袖未乾葉脫
于枝春而復繁悠悠江漢孰駐其瀾通家之厚深
哀所損遣婦替躬敬陳菲餐酒有崇尊肉載于繁

我作詞侑隻字不刊矢于柩前我言非謾

祭丈祖母貞敬夫人申氏墓文

昔歲涖灘哭柩于船屬家多艱莸不及阡霜露交
催事故相纏遂曠瞻掃踰七八年永懷今德勞心
如懸敬茲展拜薦以寒泉

祭丈母貞夫人黃氏墓文

自執贄于貴門流歲遷而周乙顧世故之多端尚
未遑乎展謁撫世明以興思愍情禮之俱闕文入
卧於丘園風火攻而成疾及問候之少間始瞻掃

乎闕室時玄律兮既窮宿草深於霜雪眄往躅而
惕若懷德音兮髣髴跡雖後於承顏思已感兮決
骨惟令女之玉溫復外孫兮蘭茁餘慶綿而未艾
庶來歆兮芬苾

祭父庵先生墓文

嗚呼乾坤晝暗日月宵開歌鳳衰於楚狂吾道將
喪泣麟傷於魯狩哲人其萎百昌早幸及門晚孤
入室誠心淺薄難筭子貢之塲世故連仍始留徐
孺之刺于時玄律窮而歲華晏素雪飛而丘隴荒

野里村醪非昔日之言笑高山流水是平生之精神
茲陳蕪詞用薦微悃

祭妻弟克明墓文

嗚呼我乃德餘兮嗟爾克明其在斯耶棄華堂與
寶筵兮胡獨卧兮山之阿漠漠兮窮谷衰草寒蓬
兮霜雪多白楊踰風兮鬼嘯烟日冥冥兮雲我我
惟見稚童牧叟嘔吟而上下兮鼯鼯狐狸兮躑躅
哀鳴而悲哦自爾之隨化于此兮兔飛鳥走兮歲
注如梭將爾魂魄磊之氣丰秀之儀不泯沒於黃壤

兮必變而為星為辰為山為何不然生千仞之高
岡兮產瓊芝與玉禾抑物理之不可料兮木落秋
葉兮春茁其芽已矣幽明一致兮死生同科使我
誠可至於百年兮不知去此其幾何尊有酒兮果
有樂招爾魂兮楚些望不來兮張盤桓水東流兮
無還波

祭趙別坐文

唯靈溫溫之氣振振其英或者數也多奇是以時
之小會弱齡騫翥夙蜚英於藝場末路蹉跎竟消

聲於窮道深斟淺酌映竹浮蘭之五短唱長調落
月流風之曲撫百年而俱盡理齊彭殤覺萬象之
同歸情均寵辱嗚呼子安無壽仲蔚不官顧此生
之如浮歎人間之何處冷燈孤館誰招四方之魂
敝轉長程忍送千里之孤松楸迢迢雲霧淒以暮
年蓬蒿阻脩風沙苦而永路泣老幼於西海寡妻
孤兒哭親朋於北郊蒼顏白髮其跡比倚玉契存
斷金忘形四十載之有餘屈指二三老而無幾土
廬茫昧掛心延陵之刀石友凋喪下淚山陽之笛

單

望征旄而遐想猶疑更逢設祖奠而遙臨恍若遠
別屋梁寒月難覩太白之容隴樹秋風略綴少游
之語

祭姜濟卿文

余不謀身觸時之阱爵羅機辟出沒伺偵欲無行
地膚絕其影廼埽厥跡遯于幽屏得子為隣慰我
寥寞茹簷棘籬石田沙逕短衣掩髀長鏡托命陶
甌濁醕夜月空艇爰及孟季以游以泳謂言晚歲
樂且無竟胡焉一疾而目長瞑始則必終所貴者

令蔽昧其生弗受調評乘化而盡若醉斯醒與其
在世疊足挫頸結舌防讒語不可僅泥泥零露蕭
蕭急景舉杯永訣有淚懸綆

祭呂同知裕吉文

粵惟小子世居駱洞公是父鄙並遊間樹顧我方
孩蕩於兵關逮與胤姪遂獲公寵仍竊聞公貞不
混衆舉世隨流公退甚勇人皆沒沒公處以諷外
趨之跽內行之薰篤于孝友甘旨手供金章紫綬
左右轍奉豈第孔燕爰及叔仲積德之門福祿攸

單

共榮哀送乘盛衰相踵膏肓抱痼草土嬰痛踐踰
於制泣頓踊麻苴未練復營新塚理也冥昧為
善者恐公少聞科英聲日涌雲衢逸軌可扶梁棟
道鯁難周才高易冗不大厥施中塗而壅然其失
得若寤一夢惟有令名足以興頌慶歿之報各自
作俑或嗇其躬錫羨于種睦茲楊江山水環拱同
公避地盡室以從樂斯耕釣容我踈蕘曾未突黔
來哭於巷依倚巾几惆悵吟誦玄廬已啓素幄將
動蕪詞菲奠恭申深慟

祭李仲孫如壁文

我之生世三十五歲年則匪毫親知日逝辟如頽
波滔滔難制每一哭門目為之瞽我初見子自我
始髫髻視高步雜珮蘭桂謂言萬事在我勉勵但
當快適何有凝滯有大不然圓鑿方枘畸窮齟齬
遂闕以泥子栖于棘我馳而蹶乖離會合日月流
邁庚申之夏子鼓楊枻邂逅蕭寺搯子之袂徂茲
秋孟封書自郢豈不我思好音孔惠應鍾中律辰
直于凶忽入我夢其帶伊悅覺而驚疑欲兆之筮

俄占厥祥延鬼為厲天不可徵理不可諦善類何
仇吉人何戾必極必棧曾巢小貫至於嚚頑奸貪
權細兇猾之徒反殖其勢使之貴富福祿弗替孰
主張是我訟非詆人或咎子翹藥為鑿斯言雖似
其實則蔽凡生有命罔不在帝天壽長短的於筭
計奚容外鑠中道困敝嗟嗟仲珎有啓即閉方其
生時束若囚繫及死而歸如蟬脫蛻與夫在世防
讒畏噬結舌疊足毋已泰愒雖語則然而情難解
白茅藉雞尊載清醴庶幾來格歆我之祭

祭從兄鄭榮川 好仁文 代家君製

維天啓二年壬戌九月初七日庚子從弟具官某
謹以酒果庶羞之奠祭于從兄榮川郡守鄭公之
靈兼以文一通告於柩前而哭之曰嗚呼痛哉於
傳有之禍淫而福善吾未知孰主張是兮而使茲
理而多舛薄其所可厚而恒有餘於不足兮顛倒
而互變抑天好惡之不與人同兮故以此而為勸
粵我家之蟬聯兮世篤美而益聞紛紛忠孝節義
與清白兮棹楔如林兮照耀圖卷是固神明之所

勞宜食報而錫羨孰謂昧昧冥冥而不彰兮反躋
而蹇嘆我諸從其存如綫兄今又亡子子終鮮惟
兄之博裕而敦信兮奉遺訓以自勉外趨之跼內
行之辯偉偉其容閔閔其悃夙承庥而臚仕試劇
郡以歷踐約已惠民樹德以遺愛兮仰先風而無
覿人皆謂善人長者鄉里欽兮朋族戀庶愷悌以
樂康胡疾病之輾轉年纔踰稀未可謂衍品止銀
魚亦非云展況乎孤稚弱兮婚嫁半宗鄰單兮門
戶翦此余之所深疑而深痛者直欲叫彼蒼以相

辨然上帝之耿命兮或幽而或顯意者嗇之于厥
躬兮廼毓慶而恤胤天固有已定與未定兮酹此
辭而為奠一慟永訣氣盡聲戰嗚呼痛哉尚饗

祭堂叔鄭榮川文

惟德之懿惟行之完惟存之介惟出之寬孝悌承
家廉明莅官氓黎咸頌薦紳交歎弗峭而劓弗弛
而刻溫裕敦厚君子惟難鬱彼廣陵實歲衣冠霜
露興懷歸老投閑蕭然茆屋棘籬松欄兒女盈席
醪羞登盤握粟屢罄匪感伊安庶幾純嘏福履宜

曼胡天之膏降割無端人生必死如逞而還獨有
令名可以不刊孰較否泰榮辱其間顧我小子獲
忝門闈徂茲展省月五缺團忽失瞻依來哭于敢
深衷菲具矢言非謾

祭從弟鄭理山

好禮文

代家君製

汝而先逝示尚何言自聞汝訃余心如焚維天不
吊降割于門高曾之族其麗靡繁曰我懿從寔惟
三人子子相依如車有轅慨茲榮川病纏于身亦
余罹咎烝烝苟存汝今尚壯為王之臣謂汝不墜

式大以蕃中道而夭孰謂壽仁馬蹶于馳桂摧焉
薪灾之何酷何辜于神壬子之秋汝位西藩朱紱
銅章啓汝以藩余縣于湖湖水沍沍山川間之瞻
彼長雲不得携手臨歧以分余致汝書汝其自珍
汝復曰嗟余思余昆日月流邁纔閱寒暄方期好
音忽以凶聞既驚且疑心熨而燠惟我及汝棠隸
之親比之手足起居相因乃汝溘然棄我若塵余
獨何心而能久焉徂茲三歲省余于恩坐而丙夜
夢言溫溫汝耽于酒余戒而嗔余曰毋爾損汝之

真終崇于改命之不洵將別之言一何殷勤聲猶
在耳斯人已陳我祖有靈誰尸頻繁寡妻伶俜孤
兒未婚汝骨之返誰招汝魂儋石之匱何以晨昏
痛念于茲五內糜焚斗粟之故尚滯海濱歿不及
斂葬不及櫬千里申哀只憑短文此生有涯此恨
無垠肉載于俎酒崇于樽依俦奠拜惆悵衣巾靈
其不昧監此芟芬

祭任持平茂叔文

嗟嗟茂叔棄我而亡後死何恃文之將喪辟輿說

輻筌拔其簧方舟濟河忽如摧牆至哀由裏語不
成章且哭且叙抽心腹傷乙巳之歲余來自鄉豈
不思遷有志無旁獲私於子而名始彰提撕拂拭
去我面牆雖培澆灌使有華芳閭闔春開禮羅高
張劉蕡之策萬古洋洋共趨承明子朝余翔濶視
徐步襟珮琳琅余本偏介弗善俯昂諛佞之徒見
輒氣殫同聲相應子又太剛寧此而行治世猶僵
國運中厄天降禍殃巨猾竊柄斃殄倫常欲以集
手橫流是障移山填海固不自量子時杜門我櫻

其銚群凶呌謹血牙跳踉爵羅吾攬以瘠以瘡免
於虀粉匪我周防子耘廣田我釣于楊樂彼寬閑
脫袂鼎韁菱荷為衣椒糝為糧灞橋雪驢山陰夜
航携手同歸惠好相將穡事既登黍稷滌場炮雞
饔並左右瓶甌爰及野叟挈榼提筐托焉而進高
登慨慷頽然取醉起舞蹌蹌其知我者謂我曰狂
彼廢不知或謂之亢聖人龍飛日月重光徵書
交賁束帛玄黃子起幡然邁茲周行乃置芸閣乃
盛玉堂乃登瀛洲圖書所藏扶搖培風直磨穹蒼

愧余翩翩亦與頡頏有嚴栢府為國紀綱子騎駢
馬白簡皂囊關邪賞傑偷情勉強巍然重厚令聞
日昌人皆期待可儀巖廊天乎難徵理乎難詳一
昔不見來哭僕床子抱大志寤寐虞唐子展逸才
軒輊屈在粵自典謨墳索繼綢子集經史汗牛充
樞以至譜牒圭臬域彊裨官所錄卜筮之方貫穿
馳騁不遺毫芒若渴飲川取米於倉發為詞華煒
燁焜煌賦敵楊雄文追子長駢四摘六方駕盧玉
七百餘韻特其秣糠電車雷鼓赤日清霜倅然遇

之神鬼劫勦徂茲壬戌七月之望曠世興感追跡
黃岡折簡德水遠自峽庄三人相逢飲酒樂康放
乎中流桂棹蘭橈鐵笛憤怨侑以琴娼水天一色
星斗蒼茫飄如馭風達彼銀潢叩舷賦詩迭酬交
倡連篇累牘虎咆龍驤倏若隔晨快適難忘謂言
百年歡會未央有大不然奚仇善良青紙彤管茲
亦奚祥嘗聞清都是居玉皇瓊樓金額其宇孔陽
仙官列侍羽衣霓裳俯視人寰宵昧擾攘塵緣既
盡遊于帝傍凡骨不知謾作悲惶果使斯語信而

不喪其來其去俱是亡羊黔婁何貪顏淵何殤敬
通何忌東野何傷最行勒石汝固是襄銘諸幽竊
慰余弗當將謀恤胤以置過房吊孤撫幼敢不自
震至於遺文哀補繡裝傳之百世庶幾揄揚存歿
之間矢言匪佯醪羞潔蠲餼饕馨香憑棺永訣辭
以薦觴

祭外舅柳川先生文

穹天厚地有時崩騫日月蝕缺山頽海填人於其
間萬物一偏乘化而盡亦理之然赫赫高門甲子

我鮮鍾鼎冠冕垂八百年積慶種異篤生名賢氣
充而完德厚而全以養之方以行之圓粵自童丕
擺脫蒙顓左右書詩肆力陳編發為文章五色蟬
聯金石清越間以管絃鼓篋之初即期台躔凡厥
俊乂罔敢比肩造士林立公居其顛遂捷大科羽
儀翩翩董筆佚記視草木天蓬瀛有路快如登仙
脩途逸軌濶趨高騫行或尼之匪我躋躋鴻罹蟻
屈返服歸田龍蛇之變禁網始捐徵書自闕一歲
九遷栢府蓬堂薇省花萼蜚英騁譽莫如公先出

鎮方岳入捧御筵驅馳原隰勞來巡宣密勿謨猷
贊襄陶甄廼長邦憲廼叅政銓元戎之尊正卿之
專治功亟聞人百我千走卒加額謂卜三鱣弗疾
而徐孰云述邇聖祖上陟國步將殞末命丁
寧惻怛悲憐群兇竊柄巧言孔誦爵羅機辟竒禍
糾纏流離遷放束縛拘攣兒女叫號公則晏眠內
省自信奚事筵筭天厭昏穢景運幹旋大陽騰曜
氛翳四塞倫彛再整奠于八埏至德弘勛絕後光
前少麓膺祥體坤配乾媿隆塗莘仁洽惠廼誕育

元良寶圖彌堅瓜瓞之慶過於周綿公躋極品惴
若隕顛約不營躬機棄勢權自公之貴臨履冰淵
門無留刺庫無繒錢人生於世萬化千緣寵辱榮
枯燥濕醜妍縱曰達識數不相牽公之遇之辟彼
虛船衆皆怯怯公獨嗚嗚以至終始猶一日焉乃
若大度畜污藏愆無賢不自如蟻慕羶滄海汪洋
吐納百川問津斷港浩不知遠來未敢徵往者可
詮劫灰雖堙洪名不鑄夢余小子寔賴磨研賦性
剛隘不善防便見人佞奸生如針氈公曰毋爾抱

新撲燃猪膏棘軸弗運方穿耳提面命佩以韋弦
庶幾勿失服膺拳拳祖茲丁戊勃宰蹇連泛彼清
漢載洄載沿蛟螭出沒驚瀾濺濺秋風忽厲疾悴
蘭荃爰適公寓大江之煥葯房芝蓋緝以蕙撈握
手而歡寫我幽悄悼世悠俗泣涕漣漣非無釀秫
亦有槎鯽澄波綠淨齋醜膏懸有唱卽酬中流叩
舷奇章逸語短詠長篇噴薄揮洒汨如湧泉淹留
浹月沉疴頓蠲隨遇而安疇記蹄筌烏兔交馳悲
樂相禪恍疑隔晨倏忽火傳百世在後公歸不遑

泥泥零露鬱々荒阡柳車殆塗曷日而還賻祭有
加陳設牲牷鶴駕臨吊淚落豆筵都人會送奔
走市鄺賓朋寮案素車聞之最績載行健筆如掾
易戚兼備榮哀迭駢抽心矢辭薦茲杯棬不昧者
靈歆我誠虔

祭芝峯李判書文

水蘂之操瑚璉之器溫恭之德謙退之志約以飭
躬貞以莅事乃若文章著述之義沛然有裕為公
小技粵自翰苑以至冢宰中間夷險燥濕榮悴終

始弗渝惟義之視衆皆汲汲公靜以俟外趨之路
內行之備匪屈匪激以正而遂顯允哲人推國之
紀宜享壽考進登大位梁頹木稼歲在辰巳自公
之病謂天盍恃天不慈遺誰徵厥理山海崩填石
勛金燬惟有令名可以庶幾顧余茅塞辱公耘耔
之培之灌俾苗而穗今其已矣吾道之否憑棺永
訣辭以自矢

祭鄭士元文

我初見子自我之外子實易直我乃踈慢愛我勤

視我無間爰及世故燥濕治亂二十餘年忽如
幻徂茲孟冬子來我歎銅符在腰握手把盃沉
醉縱譁少日氣岸追思陳迹後期杳漫謂言我具
偕我諸伴與汝樂飲一會而散行厨已勅賓客在
館凶計遽傳奔哭素幔子之敦行為儕流冠如其
材能亦世所罕百歲未半終于薄宦豈徒親朋共
為悲歎憑棺永訣有淚如澣

祭吳敬甫文

維崇禎甲戌十二月丙申卒弘文館校理福川吳

公柳車既載將歸真宅其友人晉陽鄭百昌病不

能執紼謹遣男善興祭以清酌庶羞之奠且以文

哭之曰嗚呼哀哉惟靈材質之良稟賦之全貞方

明粹忠信恭虔八事父兄宗部稱賢至性懿行衆

莫與肩出而仕朝誠壹志專人進子退自守彌堅

其視富貴太空雲烟歛藏遜避絕意騰騫義所當

為勇往直前貴育在疇罔敢或先懦夫咋舌氣顛

以顛而子為之泉達火燃子之行世持方入圓位

不公卿子道蓋然養之與違一疾沉綿回天拓壽

豈理之偏凡今奉者貪榮嗜權賊之徒亦至華
顛翻翻逐逐以相熬煎遠乎徂謝聖後無傳惟有
令名後世不鐫奪彼與此何怨乎天我之托契自
我蒙顓歲規切磋庶無大愆胡不少留棄我若捐
矢辭永訣有淚如川

祭安夢亭文

萬曆丙辰日窮亥律日直子亥維辰之吉典籍醉
峯安公柳車既飭書啓其緋友人玄谷鄭百昌將
銘函石納之于穴乃先鹽冰酒果之設矢于柩前

文以自列曰嗚呼天不可徵埋不可詰賢者而大
不肖者之壘至於祿也位也固非吾之所屑然而
必優於薄而可與而奪嗚呼夢乎宜遠而過子有
義姿珠潤玉潔子有文章繡錯錦纈夙自致于青
雲奉絲綸於紫闥才命雙全地望並鬱人皆期之
耆年而豐秩嗚呼奚養之遠方廼有斯疾不如子
誰芳官不崇而闕抑玄宰之幹運兮泗水而宣壺
嗚呼風塵傾洞兮日月蝕缺安知夫浩然而隨化
兮實有樂於促刺齷齪逐聲臭而困炎暘嗚呼門

閨依舊兩老鶴髮稚兒戲庭弱妻號室斯寔人間
之至戚子獨堅卧而如超嗚呼良辰易逝好事難
畢疇昔從遊肝膽膠漆有時開芳尊散積積情篇
逸句寶箏瑤瑟秉華燭以繼晝謂百年其如一豈
期遺我而先逝留屋梁之晚月嗚呼彭殤一致死
生同轍使人人誠皆至於期願果孰得而孰失惟
有冷名可以不沒一聲長跽萬古永訣嗚呼尚饗

申

自公來自玉山閣

玄谷文集卷之二

世事零三尺。生涯酒一杯。西亭江上月。半在月明時。

太白愛月

己卯

平生外

半三半

盤石之固

多



申

一

歛吸長風捲
雲吹天自
華開

天不被人作
的乐不如此也

丁未三月十一日去

